

MIZORAM PRESBYTERIAN CHURCH SYNOD

HOSPITAL SUNDAY

HOSPITAL REPORT

&

THUCHAH

2025



SYNOD HOSPITAL REPORT - 2025

A inñan dan: Synod Hospital hi Mizorama Mission Hospital hmasa ber a ni a. Welsh Missionary Dr. Peter Fraser, MD chu kum 1908-ah a lo kal a. Mission Venga Synod Moderator Bangla hmunah hian dawmdawi in (Dispensary) tê tak tê a sa a. Mahse, kum 1912-a a haw avangin damdawi in chu enkawltu nei lovin khar a ni. September 1929-ah Pu D. Thianga, Compounder-in sawrkara a hna bansanin Fraser-a Dispensary chu a chhonzawm leh ta a ni.

Kum 1924-ah Dispensary chu Rev. FJ Sandy-a'n Durtlangah a chhohpui a. Pu D. Thianga'n a enkawl zui a, kum 1929 thlengin a awm. Kum 1928-ah Dr. John Williams, LRCP (Pu Dâka) a lo chhuak a, Dispensary chu Hospital-ah a rawn siam a; ani hi 1936-ah a haw a, damdawi in chu Dr. Thanglura, LMP leh Welsh Missionary Nurse pahnihin an lo enkawl a ni.

Kum 1938-ah Dr. GP Roberts, M.B; CH.B (Pi Puii) a lo chhuak ve leh a, chuta țang chuan Damdawi In chuan nasa taka hmasawnin tluang takin a kal ta zel a. Pi Puii 1960-a a haw hmain Dr. RK Nghakliana, MBBS a lo chhuak a, kum 1969 thleng a thawk a. Ani ațang hi chuan Damdawi In chu Mizo Doctor-in an enkawl ta zel a ni.

Nurse zirna: Synod Hospital-a Nurse zirna hi kum 1928-a lo chhuak Miss Winifred Margaret Jones (Pi Hmangaihi) bul țan a ni a, Pi Puii lo chhuah hnuah Nurse zirna tak tak a lo ni a. Kum 1944-ah sawrkar-in Nurse zirna School (GNM)-ah a pawm ta bawk a. Hma a sawn zel a, ni 20.6.2019 (Ningani) dar 1:00 pm-ah B.Sc Nursing zirna College atan hawn a ni.

Hospital din chhan: Synod Hospital din chhan (*Mission Statement*) chu, '***Lal Isua tihdam rawngbawl hna chhonzawma a țha thei ang bera damlote enkawl, sakhua, pawl, rethei leh hausa, chi leh vun rawngte avanga inthliarna awm hauh lova natna tinrenga nâte Pathian ațanga hmangaihna leh thiamna sang hmanga damlote enkawl leh Nurse țha chher chhuahna nih***' hi a tum a ni.

A dinhmun: Welsh Mission-in kum 30 a enkawl hnuin February 28, 1958-ah Damdawi In chu Mizoram Presbyterian Kohhran kutah a bika enkawlina Thuthlung (Charter) neiin a hlan a. A hmaa a hming '*Welsh Mission Hospital*' tih țhin chu '*Presbyterian Church Synod Hospital*' tih a ni a. Kum 1994 ațangin '*Presbyterian Hospital*' tih niin kum 2011 Synod Inkhawmpui chuan '*Synod Hospital*' tiin a hming chu a thlak leh ta a, tun thlengin a pu ta zel a ni.

A dinhmun hi en țhat fo a ni a, chu chuan a dinhmun pawh a her danglam țhin. Kum 1958-a Welsh Mission-in a bika enkawl tura a hlanna thuthlung (charter) kha 1969 Synod inkhawmpuiin a titawp a, enkawltu board siamin kalhmang tharin a enkawl a, kum 14 hnu, kum 1983-ah '*Synod Tihdam Rawngbawlina Board*' tiin enkawl dan thar siam leh a ni a. Department Entu Commission 1985 - 1987 ruahmanna te, 1994-ah Charter dan anga kum 5 enkawl leh te, 1999-ah Synod hnuai a awm leh te, 2000 leh 2001-a en țhatna leh

2007 Synod pawm anga kalpui te a ni a. Chumi hnu 2012-ah en that a ni leh a, chumi ang chuan kalpuiin kum 2022 Synod Inkhawmpui Rorel Gen. 19 chuan en that a rel leh a. Tunah hian en thatna chu SEC-in a kalpui mek a ni.

Hetiang taka Hospital dinhmun en that a ni fo hian eng emaw chenah harsatna pawh a siam zawk mai thei a, mahse, Synod Hospital hi Kohhranhoin kan ngaihtuahin rilru leh ngaihtuahna kan hmang nasa a, a neitu rilru kan put em vang tiin a sawi theih ang.

Hospital chanchin tlangpui chauh hetiang hian han tarlang ila:-

I. Synod Damdawi Ina khum awm zat - 355

II. Thawktu awm zat:	A nghet	Contract	An vaiin
(1) Hospital:			
(i) Doctor	37	-	37
(ii) Nursing Staff & Sister	143	12	155
(iii) College of Nursing	17	7	24
(v) Para Medical Staff	26	15	41
(vi) General Staff	100	4	104
Total	323	38	361

A chung a mi ni lo, Doctor (MBBS) Service Obligation thawk mek 3 an awm a; Visiting Consultant —General Medicine 1, Orthopaedic 1 leh daily basis-a rawih Medical Officer 6 leh thawktu dang 147 (an vaiin mi 155) an awm bawk.

(2) Project ah:

(i) Mission for Vision	-	2
(ii) Integrated Counselling & Testing Centre (ICTC)	-	5
(iii) Anti-Retroviral therapy center (ART)	-	4
An vaiin	-	11

III. Synod Hospital a Department hrang hrang awm te:

- (1) Nephrology (Super speciality)
- (2) Medicine
- (3) General Surgery
- (4) OBS & Gynae (Hmeichhe lam)
- (5) Paediatric (Naupang lam)
- (6) Orthopaedic (Ruh lam)
- (7) Ophthalmology (Mit lam)
- (8) ENT (Beng, hnar leh hrawklam)
- (9) Anaesthesiology (Hnimhlum lam)
- (10) Pathology (Natna hriat lama thiam bik)
- (11) Blood Bank
- (12) Community Health (Khawtlang hriselna lam)
- (13) HIV/AIDS & Substance Used Disorder

- (14) Pain & Palliative Care (Natna benvawn veite enkawlna)
- (15) Audiology & Speech Therapy (Ṭawng/Ri hriatna lam)
- (16) Physiotherapy (Taksa sawizawina)
- (17) Occupational Therapy
- (18) Dietetics (Ei leh in lam)

IV. Postgraduate (Specialist) 2025 a zir zote:

- (1) Dr. Vanlaldini, DCH (Paediatrics)
- (2) Dr. Priscilla Zodinpuui, MD (Radiodiagnosis)
- (3) Dr. Lalduhawmi Fanai, MD (Chest Medicine).

Post Diploma Nursing zir zote - September, 2024:

- (1) K. Vanlalmuanpuui, Post Diploma (Renal Nursing)
- (2) H. Lalnunpuui, Post Diploma (Renal Nursing)

V. Super specialist zir leh te:

- (1) Dr. Lalnunpuia, MS (General Surgery) chu M.Ch (Urology) zir turin BLDE (DU) Shri BM Patil Hospital, Medical College & Research Centre, Karnataka-ah ni 20.06.2025 khan a zawm fel ta.
- (2) Dr. Lalmingsanga, MD (General Medicine) chuan, DM (Cardiology) zir turin ni 20.06.2025 khan Assam Medical College, Dibrugarh-ah a zawm fel ta.
- (3) Dr. Lalrinhlui Renthlei MD (Anaesthesiology) pawhin D.M (Critical Care) zir turin MS Ramiah Medical College & Hospital, Bangalore-ah ni 20.06.2025 khan a zawm fel ta.

Ṭum khatah kan hospital aṭanga mi 3 lai super specialist zir thei tura an inziak tling hi a lawmawm em em a, Kohhranhote ṭawngṭaina rah a ni.

VI. Postgraduate (Specialist) zir mekte:

- (1) Dr. Angela VL Muanpuui, MD (Paediatrics) - 1st yr.
- Stanley Medical College, Chennai.
- (2) Dr. Fredy Lalṭanpuia, MD (Gen. Medicine) - 3rd yr.
- RIMS, Imphal
- (3) Dr. Lalrintluangi, MD (Paediatrics) - 3rd yr.
- CMC Ludhiana, Punjab
- (4) Dr. Jenny Lalramliani, MD (Paediatrics) - 3rd yr.
- CMC Ludhiana, Punjab.
- (5) Dr. H. Lalrinmuana, MS (Obs & Gynaecology) - 2nd yr.
- RIMS, Imphal, Manipur
- (6) Dr. Lalhrualtuanga, MD (Gen. Medicine) - 2nd yr.
- SSKM Hospital, Kolkata

- (7) Dr. R. Lalhruaitluangi, DGO (Obs & Gynaecology) - 2nd yr.
- Katwa, W.Bengal
- (8) Dr. Joseph Lalhmingmawia, MS (Gen. Surgery) - 2nd yr
- Jorhat, Assam.
- (9) Dr. Rosangkima Khawlhring, MD (Gen. Medicine) - 2nd yr
- Barapeta, Assam
- (10) Dr. Ramengmawii Khawlhring MD (Anaesthesiology) - 1st yr
- CMC Vellore, TN.

VII. Synod Sponsor-a CMC, Vellore-a zir mekte (Under graduate)

- (1) Eunice Lalneihpuii, MBBS - Internship
- (2) Joseph Zohmingthanga Sailo, MBBS - 2nd Year,
- (3) Abigail Lalhruaitluangi, B.Sc (MLT) - Internship
- (4) Roneihluangi Zote, MBBS - 3rd Year
- (5) R. Lalnunzira, B.Sc. Dialysis Technology 2nd Year
- (6) Joseph Zohmingthanga Sailo, MBBS - 2nd Year

Synod Sponsor-a CMC, Ludhiana-a zir mekte (Under Graduate)

- (1) Lalpekhlui, BDS - 3rd Year
- (2) K. Lalruatpuia, MBBS - 1st Year

VIII. Nursing College leh Nursing Service lam tihhmasawn nana zir leh mekte:

- (1) R. Lalmuanpuii, Ph.D — Desh Bhagat University, Chandigarh, Punjab.
- (2) Rongurliani, Ph.D — Martin Luther Christian University, Shillong.

CMC Vellore-a M.Sc Nursing zir mekte :

- (1) Annie Lalmuanpuii, M.Sc (N) - 2nd Year
- (2) Lalrinchhani Fanai, M.Sc (N) - 1st Year
- (3) R. Lalhmingliani, M.Sc (N) - 1st Year
- (4) B. Tinglunmani, M.Sc (N) - 2nd Year (RIPANS, Aizawl)

IX. Post Diploma Nursing CMC Vellore a zir mekte.

- | | | |
|--------------------------|---|-------------------------------------|
| (1) K. Lalhunthara | - | Post-diploma in Operation Technique |
| (2) Lalthanmawii Ngente | - | Post-diploma in Operation Technique |
| (3) Zothanpari Sailo | - | Post-diploma in Orthopaedic |
| (4) Lalthanpari | - | Post-diploma in Orthopaedic |
| (5) Lalchhuanawmi Colney | - | Post-diploma in Critical Care |
| (6) H. Vanlalhruaii | - | Post-diploma in Emergency |
| (7) Anuradha Gurung | - | Post-diploma in Emergency |

X. College of Nursing :

Synod Hospital-a Nurse zirna hi kum 1928-a lo chhuak Miss Winifred Margaret Jones (Pi Hmangaihi) bul tan a ni a, Pi Puii lo chhuah hnuah Nurse zirna tak tak a lo ni a. Kum 1944-ah Assam sawrkar-in Nurse zirna school-ah a pawm ta bawk a.

Hma a sawn zel a, ni 20.6.2019 (Ningani) dar 1:00 pm-ah B.Sc Nursing zirna College-ah hlankai a ni. Synod Hospital-a Nursing School aṅging mi 1500 chuang lai zir chhuak an awm tawh a ni.

Tichuan, kum 2019 aṅg chuan B.Sc (N) zir tur chauh lak an ni a; batch hmasa pahnih te chuan zo tawhin mi 60 chu B.Sc Nursing zir chhuak an awm ve ta a ni. Kum tin mi 30 zel lak an ni a; tunah zirlai 120 an awm mek. College-a B.Sc. Nursing zirlaiten rural posting atan chenna tur hostel building ṭha leh changlung tak, Mission Development Training Centre (MDTC), Bualpui-ah neiin ṭangkai taka hman mek a ni.

Nursing College-ah thawktu mi 24 an awm a. Hetiangin:-

Principal	-	1
Vice Principal	-	1
Asst. Professor	-	3
Tutor	-	10
Librarian	-	1
Library Assistant	-	1
Office Assistant	-	3
IV Grade	-	4

XI. Chaplaincy rawngbawlna:

Synod Hospital-ah Chaplain pahnih an awm mek a. Damlo, taksa natna bakah rilru lama puih ngai tak takte chu counselling leh ṭawngṭainate an neihpui ṭhin. Chubakah damlo zai (operation) tur apiangte an ṭawngṭaisak bawk a; mitthi an awmin ṭawngṭaiin an thlah zel ṭhin a ni.

Chaplaincy Committee ruahmanin Chapel-ah hian Nilai zan, Inrini zan leh Pathianni chawhma Sunday School inkhawm a awm a, hetah hian Hospital-a thawktu compound-a awm te, zirlaite leh damlo awmpuitu a thei thei an inkhawm ṭhin. Kum tin thawktute leh Nurse zirlaite pualin Intuaitharna (retreat) buatsaih ṭhin a ni bawk a; Speaker sawmin thupui thlan bik ngaithlaa hun hman ṭhin a ni. Christian Medical Association of India (CMAI)-in kum tin Healing Ministry Week hmang turin ruahmanna a siam ṭhin a, chu pawh chu Chaplaincy Committee-in ṭha takin a tihlawhtling zel ṭhin a ni.

XII. Grace Home:

Grace Home hi HIV/AIDS veite enkawlna hmun bik a ni a, kum 2004 aṅging MSACS te nen tanghoin Synod-in a kalpui ṭan a. Damlo eng emaw zat chu chungkhat laina pawh nei lo, mi baihvai takte an ni a, chung mite dinhmun chu hrethiam taka lo enkawlna a ni. Grace Home-ah hian khum 20 a awm a, mi 12/13 vel awm reng ang a ni. A din tirh March 2004 aṅga May 2025 thlenga damlo admit tawh zat chu 7657 (mipa 4146, hmeichhia 3511) an ni a. Heng zingah hian mipa naupang 63 leh hmeichhe naupang 47 lai an tel ve a ni. Grace Home enkawlna atan hian Synod chuan budget hran a siam a, tunah hian thawktu mi 18 an awm a ni.

XIII. Dr. Fraser's Clinic, Mission Veng:

Nitin Doctor thiamrawn theihin anawm a, Mit doctor bikchu ni tinrawn turanawm thin a ni. Doctor thut dan chu Hospital page —*Facebook, Instagram leh Whatsapp*-ahthe en theih a ni. Thisen test, X-ray te tih theih a ni a, damdawi chi hrang hrang lei tur a awm a, tarmit siam tir leh lei tur a awm reng bawk a ni. Kartin Nilaini-ah hri venna chi hrang hrang lak theih a ni.

XIV. Khualbûk:

Synod Inkhawmpuiin a rel angin Synod Hospital-a damlo awmpuitute thlenna tur Khualbuk atan Hospital bul mai, Durtlang Leitan veng CASA building thin chu chei thain a chhakah in thar sak a ni bawk a. Khualbuka thlen man mi pakhat tan zan khatah Rs 100/- a ni. A duh tan chaw ei tur order theih a ni.

XV. Partnership/Project lama hmalakna:

- (1) Mizoram Sawrkar: Mizoram State Aids Control Society (MSACS), Integrated Counselling and Testing Center (ICTC), HIV zawnchhuah kawngah, counseling, thisen test, inenkawl dan tur kawnga hmalak hona leh Anti Retro Viral Therapy (ART)-HIV damdawi semchhuahnaah thawh hona neih a ni.

National Health Mission (NHM): Rashtriya Bal Swasthya Karyakram (RBSK) - Naupang kum 18 hnuai lam tan Mit naute paw (Congenital Cataract) leh Mitkalh enkawlnaah thawh ho a ni.

Revised National Tuberculosis Control Programme (RNTCP) - TB vei zawn chhuah leh enkawlnaah thawh ho a ni.

District Blindness Control Society (DBCS) - Kum 1997 atangin Mitnaute paw (Cataract) enkawlnaah thawh hona neih a ni.

- (2) Mission For Vision (MFV): Mission for Vision leh Synod Hospital hi kum 2014, January atangin kan thawkho tawh a. Hemi project hnuai hian thawktu 2 anawm a, hmun hrang hrangah Eye Screening Camp neiin an chhuak thin a; mit lama harsatna nei zawn chhuah kawngah te, damdawi inrawn pan tura thurawn pek leh enzui kawngah te an tangkai hle a ni.
- (3) CBM: Christoffel Blinden Mission te nen kum 1980 atangin Mit (Eye) enkawlna lamah nasa takin hmalak zel a ni.
- (4) CMAI: Christian Medical Association of India nen October, 2005 atangin hriselna kaihnawih thil hrang hrangah thawh hona neih chhoh zel a ni.
- (5) CMC Vellore leh CMC Ludhiana te hi Mizoram Presbyterian kohhran nen hun rei tak atanga thawkho tawhin, thawktu te pawh in tlawh tawna neih thin a ni. Intuaitharna (Refresher course) te ruahman thin niin, an thawktute leh zirlaite pawh Mission Hospital hre Chiang turarawn tih thin an ni.

XVI. Hmalakna dangte:

- (1) Nephrology Unit: Kal natna neite enkawlina Nephrology Ward sa tharin March 19, 2025-ah Rev. RC Lalnghakliana, Synod Moderator-in Pathian hnenah hlanin a hawng. Hetah hian khum 14 a awm a. Kum 2024 aţang khan a rualin damlo 9 dialysis tih theih a ni. April 2024 - March 2025 chhungin dialysis vawi 6735 tih sak an ni.
- (2) Eye Unit: Synod Hospital Durtlangah hian mit darthlang thlak (corneal transplant) tih theih a ni ta a, mit naute donate duh tan tih theih a ni ta bawk. Tin, mitmu lem siam pawh tih chhoh mek zel a ni.
- (3) CMC Vellore nen ţangkawpin cancer natna veite tan ruahmanna siam thar a ni a. Thla thum danah CMC Vellore doctor thiamte lo kal tura ruahmanna siam chu May 19 - 23, 2025 chhung khan bul ţan a ni.
- (4) Blood Donation: Kum tluanin - Kohhran, K TP, YMA leh Tlawmngai pawl hrang hrang leh mi malten damlo tan thisen an pe  thin a, damlote tan a  tang kai em em a, an chungah lawmthu kan sawi a ni.
- (5) Vaccination (hri venna pek): Synod Hospital hian kum tluanin regular takin hri venna chi hrang hrang a pe  thin a. Chung hri venna pekte chu: TB, Zeng hri, Khuh hip, Hepatitis A, Hepatitis B, Kaw tha lo, Sentut, Typhoid, Chhul Cancer venna, Pneumonia, Sakawrekhrik leh Tlang hri leng hrang hrangte an ni.
- (6) Palliative Care: Kum 2016, February aţanga bul  tanin, Palliative Care Program hi kalpui a ni a. Hei hian a tum chu Cancer leh HIV etc. nei te, rilru leh taksaa na awm lo, thlamuang tak leh lungawi taka an hun tawp an hman theihna tura enkawlina (Palliative Care) pek a ni. Kar tin in lamah tlawh chhuah (home visit) hunte siamin, inkawmna (counselling)-te neih  thin a ni a, mi inphalte thilpek aţangin damdawi leh ei tur  thate pek  thin an ni bawk. Tin, damlo chhungte hnenah enkawl zui dan zirtir  thin an ni bawk.
- (7) Mobile Clinic: Pastor bial aţanga sawmna kan hmuh chu a theih ang angin thingtlang hmuna Mobile Clinic neia chhuah  thin a ni.
- (8) MRI thar neih a ni: Kum 2012 Synod Gen. 47-ah, ‘Synod Hospital, Durtlanga hman turin Magnetic Resonance Imaging (MRI) lei dan kawng Synod-in zawng rawh se tih chu SEC-in lo ngaihtuah rawh se’ tia rel a ni a. MRI leina leh a mamawh tur dangte pawh lo zirchianga ruahmanna lo siam turin Hospital Board a ruat a, MRI chu loan-a lei ni sela tiin a rel a. Hei hi chhan hrang hrang avangin duh anga chak chuan bawhzui a ni lo. Synod Finance Committee-in a zirchian leh hnuah loan la lova sum neihsa aţanga lei rawtna SEC-ah a thlen a. SEC 312:50 of Feb. 25-27.2025 chuan loan la loin Synod sum neihsa aţanga lei ni se, tih a rel chu Finance Committee chuan bawhzuiin March 21, 2025 khan MRI - 3 Tesla Magnetom Lumina, Siemens siam Cheng Vaibelchhe sawm pali leh nuai sawmriat (14,80,00,000.00) man chu lei a ni ta a, a lawmawm tak zet a ni.

MRI dahna tur leh hemiin a ken tel thil hrang hrang bawhzuiin hmalak mek zel a ni a. MRI hi July 2025-ah chuan hman theih kan beisei a ni.

XVII. Thilpek dawnte:

April 2024 - March, 2025 chhunga Charity Fund leh thilpek dang kan dawn zat hetiang hi a ni:

(1) Charity Fund:		
(i) Kohhran, Pawl leh mi mal atangin	: Rs	70,96,592
(ii) Hospital Sunday Thawhlawm	: Rs	49,91,476
(iii) Synod Grant (Rethei Pual)	: Rs	80,00,000
Total	: Rs	2,00,88,638

Opening Balance	: Rs	6,40,393
A vaia belh khawm	: Rs	2,07,28,461

Charity atana sum pe tam zualte han sawi lang ila:

(a) Central Kohhran Hmeichhia	: Rs	13,83,837
(b) Central KṮP	: Rs	12,82,513
(c) Hospital-a thawktute thawh khawm	: Rs	1,80,380
(d) Synod Lay Workers Fellowship	: Rs	1,41,600

(1) Charity Fund chungchang:

Synod Hospital-ah hian damlo inenkawlina senso pek tur nei lo leh pe tla nghal thei lo eng emaw zat an awm reng a. Chung chu Charity Fund atangin tih dan ngaihtuah pui thin an ni a. Kum 2024 - 2025 tangka kum chhunga rethei pual thawhlawm (charity fund) atangin damlo awm man pe thei lo 882 ba Rs 1,96,35,969 rulhsak an ni. Chung zinga 626 chu kan kohhran mi niin Rs 1,36,75,102 (69.65%) peksak a ni a; kohhran pawl dang leh sakhaw hrang hrang mi 256 te tan Rs 59,60,867 (30.35%) peksak a ni bawk. May 31, 2025 thlenga damlo mi 449-in awm man an bat tlingkhawm zat chu Rs. 1,93,76,866 a ni.

(2) Thilpek dang:

Kohhran, mi mal leh pawl hrang hrangte hnen atangin damdawi in mamawh, thilpek chi hrang hrang kan dawng reng a, chu chuan Hospital min chhawk zangkhai hle a ni.

XVIII. Doctor zirna fee tumsak leh Visiting Consultant rawih:

Synod Hospital-in Doctor thiam leh tha a neih zel theih nan hengte hi kalpui a ni.

(1) Zirlai hauhlawkna: Synod hnuaiia thawk mek ni lo pawh, zirna sang (Post-graduate/Superspeciality) atan zir duh leh zir mekte pawhin an zir zawh hnuah Synod Hospital-a thawh an duh dawn chuan anmahni hauh lawkna stipend pek theih a ni.

(2) Academic fees tumsak: Christian Medical College pahnih Vellore leh Ludhiana-ah te, Private Institution dang (CMC Ludhiana aia fee tam lohna)

leh Sawrkar Institution-a zirte chu an zirna academic fees tumsak theih a ni (SEC 297:14, June 7-9, 2022 Appendix 1).

- (3) **Visiting Consultant doctor rawih:** SEC-in ruahmanna a pawm angin Synod Hospital-ah pawm lam aṅanga Doctor an ṭhut theih dan leh inrawih dan ruahmanna siamin kalpui zel a ni (SEC 298:101, Nov 8-11, 2022).

XIX. Building thar sak mek leh hma chhawp awmte:

- (1) Hospital building thar: Hospital building sak thar tura ruahman a ni a, Synod Trust Committee-in a bawhzui mek a ni.
- (2) Centenary Project: Synod Hospital kum 100-na (Centenary) hriatrengna Project atan Laboratory (Pathology, Blood Bank leh Microbiology) building thar Rs 7,60,19,000 senga sak tur chu October 29, 2024-ah Rev R. Vanlalnghaka, Synod Moderator-in a lungphum a phum a. November 1, 2024 aṅangin LT Construction, Ramhlun Venglai chuan hna an thawk mek a ni.
- (3) Nursing College: Nursing College Administrative Building thar sa tura ruahmanna siam fel a ni a. Semester I & II Classroom chu Rs. 8,98,000/- sengin Smart Classroom changkang taka siam thar a ni.
- (4) Eye Unit building thar nei turin Rotary International te nen hmalak mek a ni.
- (5) Chaplain Quarters: Hospital-a Chaplain quarters chu OM 7:3 of 12.4.2023 chuan sak thar tur zingah a thlang tel a. Tunah sak mek a ni.
- (6) Doctor Quarters: Doctor paruk awm theihna tur (Doctors' Apartment) building thar sa tura ruahmanna siam fel a ni.
- (7) Pi Pui In (Private Ward), Casualty/OPD, Radiology Unit, Millenium Clinic leh Medical Superintendent quarters-te chei that mek a ni.
- (8) Intensive Care Unit (ICU) tihlen leh chei ṭha tura hmalak mek a ni.

XX. Hospital hmachhawp :

- (1) Kal thlak (Kidney Transplant) thei turin hma lak ṭan mek a ni.
- (2) Lung (Cardiology) lam enkawlina changtlung nei tura hmalak mek a ni.
- (3) CMAI te nen ṭangkawpin Allied Health hnuai course hrang hrangte zir theihna tura hmalak mek a ni.

XXI. John Williams Hospital, Lunglei dinhmun:

Mizoram Synod hnuai Hospital pahnihna, John Williams Hospital (JWH) hi Mizorama Missionary doctor lo kal hmasa, Rev. Dr. John Williams (Mizo hming Pu Dâka) hming chawiin, Lunglei Chanmari Vengah din a ni a, October 1, 2015 khan hawn a ni.

Tunah a kum sawmna a hman ve mek. A din chhan (Mission Statement) chu '*Lal Isua Krista tihdam rawngbawl hna chhunzawma, damlo tu pawh inthliarna awm lova rawngbawltu rilru pu chung a enkawlina hmun a ni ang*' tih a ni a; chu chu a taka chantir mek zel niin, Pathian khawngaihna hma a sawn ve zel a ni. A dinhmun tlangpui han tar lang ila:

- (1) **A dinhmun:** Khum awm zat leh thawktu dinhmun chu hetiang hi a ni:-
- | | | | |
|-------|-----------------|---|-----------|
| (i) | Khum awm zat | : | 30 |
| (ii) | Doctor awm zat | : | 4 |
| (iii) | Staff Nurse | : | 23 |
| (iv) | Thawktu dangte | : | 37 |
| | An vaiin | : | 64 |

(2) **Damlo enkawl zat:**

	2024 (Jan-May)	2025 (Jan-May)
OPD-a damlo en zat	5349	2024
Damlo Admit zat	942	383
Nau piang zat	183	79
Major Operation	105	40
Laboratory test zat	5159	1992
Ultrasound tih zat	633	250
X-Ray lak zat	476	147
ECG tih zat	113	30
Vision Centre-a inentir zat	285	314

- (3) **Thilpek :** Kum kal ta chhunga Kohhran, pawl leh mimal aṅanga thilpek dawn zat:

-	Charity Fund	Rs.	3,89,605
-	Donation	Rs.	1,88,170

- (4) **Charity Fund pek chhuah dan:**

Presbyterian	mi 8	Rs.	1,44,500
BCM	mi 1	Rs.	10,000
CBC	mi 1	Rs.	25,000
Raltlan	mi 2	Rs.	62,500
Buddhist	mi 1	Rs.	1,200
A vaiin	mi 13	Rs.	2,45,000

- (5) **Sum dinhmun:** Kum 2024-2025 chhunga JW Hospital budget leh sum hmuh dan:

Budget Head	Budget	Hmuh zat	Khumna
Department hmuh	2,04,44,000	2,43,96,566	39,52,566
Synod Grant	2,84,13,000	2,66,04,000	18,09,000

HOSPITAL SUNDAY THUCHAH

Thupui : **Tihdam rawngbawlna**
Chhiar tur : **Sam 103:1-5; Luka 4:40**

Kum 2025 Damdawi In Pathianni (Hospital Sunday) kan lo thleng leh ta. Kumina thupui chu ‘**Tihdam rawngbawlna**’ tih a ni a, he hun a lo thlen hian Lal Isua rawngbawl hna chhunzawmtute kan ni tih inhre chungin, Kohhranhoten tihdam rawngbawlna kawnga hma kan lak dan leh kan rawngbawlna hlutzia hi i hre thar theuh ang u.

Damdawi In Pathianni (Hospital Sunday) thupui hi hetiang hian ngaihtuah ho ila:

1. **Isuan tihdam hna a thawk thin**

Chanchin Tha bu palia kan hmuh, Lal Isua rawngbawlna kha kawng thum – *zirtir, thuhiril leh tihdam* a ni tih kan hria a. A tisa put lai niah Lal Isuan natna tidamtu a nihzia tar langin, Pathian ram Chanchin Tha a hrilna apiangah tihdam rawngbawl hna a thawk zel a. Amah pantute beiseina a tithlawn ngai lo va, tu mah a hnar ngai lo va, a kalsan ngai hek lo. Tu mah thliarin duhsak bik a nei ngai lo va, natna khawih duh leh duh loh pawh a nei ngai lo. Amah pantu leh bawrtu, nat tinrenga nâten damna an chang a, beidawngin a hawtir lova, an natnate a lo tihdamsak thin a nih kha.

Hebrai-ho chuan natnate hi Pathianin a hrêmna niin an ngai thin (Job 2:7; Mk 9:17; Joh 9:2). Thuthlung Hlui ngaih dâna natna hi Pathian hremna anga dah chu Isua ngaihda a ni ve lo. Damlo a tihdamte chu Pathian ropuina tur a nih zawk thu a sawi a, natna chungchang hrilhfiyah a tum lem lo va, a chhan dap aiin Pathian hnathawh tar lanna tur a nihna hriat kha Isuan a ngai pawimawh zawk a ni.

A rawngbawlnaah Lal Isuan natna tinreng —zengte a tidam a, kebaite kein an kal a, mitdelte mit a tihvarsak a, ðawngthei lote pawh an ðawng a, hmeichhe thi put a tidam a, mitthite kaihthawhin an awm a, ramhuai paite pawh a hnawh chhuahsak tih kan hria. Miten an bul hnaia awm tur pawha an duh loh pharte pawh hmangaih takin a ban a, a dek a, a tithianghlim. Taksa na bakah rilru lama harsatna nei te, ramhuai mante pawh a tidam a. Sual vanga na te, thi mai tur te, mite hmuhsit uire nu pawh ngaidamin a chhandam a nih kha. Lal Isua tan natna tihdam theih loh a awm lo tih heng hian a tichiang hle a ni. Lal Isua tihdam rawngbawl hna khan taksa damna chauh ni lovin, rilru leh thlarau damna pawh a keng tel vek a ni.

2. **Damdawi leh leilunga thil awmte pawh tihdamna hmanrua atana Pathian min pek a ni.**

A hunlai mil zelin Pathianin damna tur hmanrua a pe thin a. Jeremia 8:22-a ‘Thinghnai damdawi’ tih kan hmuh hian heng hunlai hian damdawi eng eng emaw an hmang thin tih a entir a. Thuthlung Tharah damlo enkawl dan chungchang a lang tam lo hle. Samari mi tha khan hliam tuar a enkawlnaah a pemah hriak leh uain a leih tih kan

hmu (Lk 10:34). Uain kha a hliam silfaina leh a pun lohna tur a ni a, hriak kha hliam damna tura enkawlna chi khat a ni. Chutiang chuan vawiin thleng hian Pathianin mihringte hi a hunlai mil zelin kan inenkawlna tur min lo pe thin a ni.

Sam phuahtu chuan Pathian chu natna zawng zawng tidam thinu a nih thu sawiin, “I natna zawng zawng a tidam thin” (Sam 103:3) tiin a sawi. Pathianin kan natnate min tihdamsak thin a, chawp leh chilha a tihdam an awm a, rawngbawltute hmanga a tihdam an awm bawk a, damdawi lam thiamte hmang leh damdawi hmang te, hmanraw dang hmangtea a tihdam an awm bawk. Eng pawh ni se, damna hi Pathian thuneihna pumhlum a ni tih hriat reng a tul. Damna chu miin Pathian thiltihtheihna a rin avanga a chan theih a nih rualin Pathianin a hnathawhna hmanrua atan hmanraw chi hrang hrang a hmang bawk thin tih pawh rin tlat a ngai a ni.

Pathianin leilunga thil awmte hi damna hmanrua atan a hmang thin a. Tun thlengin, ‘Ramhmul damdawi’ (Medicinal plants) te hi hmun kilkhawr zawka awmte chuan inenkawl nan an la hmang reng a, an dam pui zel a. Pathianin leilungah hian tihdamna hmanrua tur hi a lo dah tam hle a ni. Chung leilunga thil awmte hmang tangkai tur chuan mi thiam leh hriatna bik neite min pe zel a. Heng zawng zawng hi Pathian atanga chhuak vek a ni.

Pathianin finna a pek ang zelin mi thiamten damdawi tha zawk an hmu chhuak zel a. Heng damdawite hi mi tam takin dam pui nan an hmang a, chubakah inenkawlna tha zawk lo awm zelte hi Pathian hmanrua vek an ni.

Pathianin a duh phawt chuan damdawi leh hmanraw tel hauh lo pawhin natna a tidam thei a, a tidam fo bawk a. Chutihrual chuan doctor thiamna te, nurse enkawlna te, damdawi leh khawl hmanga enkawlnate hi Pathian tihdamna hmanrua vek a ni tih hriat chu a tha hle a ni. Damna hi Pathian kuta mi a nih avangin a duh duh hmanrua atan a hmang mai thin. Chuvangin, damdawi leh leilunga thil awmte pawh tihdamna hmanrua atana Pathian min pek a ni tih hi kan hriat reng a tul a ni.

3. Tihdam rawngbawlnaah tih theih kan nei vek.

Lalpa Isua rawngbawl hna chhonzawmin Kohhran hoten tihdam rawngbawl hna thahnemngai takin kan thawk zel a; hei hi Kohhran hna pui pawimawh tak pakhat a nih bakah Lal Isua rawngbawl hna kan chhonzawm vena remchang tak a ni bawk.

Tihdam rawngbawlnaah tih theih kan nei a, mawhphurhna kan nei theuh mai. Zeng damna turin Lal Isua hnena zawn thlengtu an awm a (Mk 2:3); Simona pizawn khawsika mu rengin damna a chan theih nan Isua an hrih a (Mk 1:30); natna hrang hranga na, damlo te leh ramhuai man te khan Isua hnena hruaitu an nei hlawm a (Lk 4:40; Mk 1:32); chutiang chuan Lal Isua tihdamna chang turin damlote Isua hnenah an hruai thin. Thenkhat chuan tihdamna chang turin anmahni ngeiin Isua an pan a, a thenin nasa takin an ngen bawk a nih kha. Mi dang damna turin Isua hnenah hruaiin, an mamawh kan puhruksak a tul thin a, kan tih theih a inang lo, mahse, tihdam rawngbawl hna atan hian tu mah kan bang thei lo.

Daktawr pakhat chuan, **“Keinin kan tuam a, Isuan a tidam”** tiin a sawi a, a dik ngawt ang. Damna hi Pathian ta a ni a. Keini chu a tuamtu tur mai kan ni a, a tihdamtu erawh chu Pathian a ni. Tihtdam rawngbawlnaah hian tih theih kan nei vek. Kan thiamna, kan finna, kan theihna zawng zawngte hi Pathian hmanraw t̄angkai ni turin i hlan phal ang u.

Tihtdam rawngbawlnaah kan tih theih pawimawh tak pakhat chu damlote ngaihsak leh hriatthiam hi a ni. Tu pawhin ngaihsaktu leh hrethiamtu an mamawh a; damlo enkawl leh buaipui ngai rengte hian hrethiamtu leh ngaihsaktu an mamawh zual a ni. Inthlahrunna te, beidawnna te, rilru hnualna leh zahna te an nei fo. Hrethiamtu, ngaihsaktu, lainattu, t̄anpuitu, kawm hlimtu an mamawh t̄hin. Wayne A. Mack, Biblical Counselling lama mi thiam chuan, **“Min hrethiamtu leh lainattu t̄anpuina hi dawn nuam kan ti ber”** tiin a sawi. Anmahni hriatthiamna nena t̄anpui hi damlote hian an mamawh a ni. Chutiang tur chuan tih theih kan nei vek a ni.

Heng sum leh pai te, t̄awngt̄aina te, thilpek te, kan t̄awngkam chhuak te, tlawmngaia thisen kan pekte hi Pathianin tihtdamna hmanrua atan a hmang t̄hin a. Damlo tan leh Damdawi In tana kan t̄awngt̄ai t̄hin avangin ni tinin Pathian hnathawh kan hmu fo t̄hin. Harsa zawkte tana sum leh thilpek kan pek te hi a thlawn lova, t̄anpuina (Charity fund) kan pek avang hian lawm avanga mittui tla te an awm fo t̄hin. A mamawhtute tana mi tlawmngaiten thisen an pe t̄hin te hi a va hlu em!

Damdawi In hi kan rawngbawlna hmun pawimawh tak, Lal Isua rawngbawl hna kan chhonzawmna hmun a ni tih hriat thar a t̄ha hle a ni. Lal Isua ngaihpawimawh hi ngai pawimawh ila, a rawngbawl laia hmun laili luah fotute ngaihsak kawngah t̄an i la deuh deuh zel ang u.

Lal Isua rawngbawl hna chhonzawmtu kan ni tih hriain theihtawp chhuahin Kohhranhoten tihtdam rawngbawlna kawngah t̄an i la thar zel ang u.


(Dr RL SANGHLUNA)
Secretary,
Synod Hospital Board
&
Director,
Synod Hospital.


(REV RC LALNGHAKLIANA)
Chairman,
Synod Hospital Board
&
Moderator,
Mizoram Synod.
